



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1649

Cap. I. Historica Sarmatiæ descriptio.

urn:nbn:de:hbz:466:1-13167

§. 6. In Spitzberga.

QUI hîc piscantur Bataui & Angli, deficientibus nauibus relinquunt pisces suos, & anno sequenti dum redeunt integros reperiunt, sine vlla corruptionis suspicione. *Relationes Batauorum.*

Hîc quoque piscis capitur quem Islandi vocant *Nahuay*, cuius carnem si quis comedat statim moritur. Habet autem hic dentem, in capite prominentem septem cubitorum, quem pro Monocerotis cornu Bataui vendiderunt: & verò creditur venenis aduersari. *Idem Bataui.*

Equos marinos hîc quoque conficiunt, quos alij vaccas, alij elephantes marinos nuncupant: sed non est facile eos habere integros plenosque succi. Statim enim atque vnus eorum cuspide percussus interiit reliqui accurrunt, & cadauer tandiu premunt, eique tandiu insident, donec corrumpatur. *Idem Naucleri & Piscatores.*

LIBER QVARTVS.

De Sarmatiâ.

CAPVT PRIMVM.

Historica Sarmatia descriptio.

§. 1. Nomen.

DICEBANTVR olim omnes illi populi Septentrionales Scythæ, sed demum inducto Sarmatarum, & Germanorum nomine Scythæ vocari desierunt, ait Plinius, Scytharumque nomen ignotis tantum populis hæsit. Dicti autem sunt Sarmatæ, vt quidam volunt ab *Afarmoth* filio *Iectan* filij *Heberis*; vel à vultu terribili, seu serpentino; σαύρος enim lacerta est, ὄμμα oculus. Græci itaque Sauromatas, Latini Sarmatas appellant. Tamen in Periplo Scylacis Σάρμαται nominantur: ἰππομόλγοι autem & γαλακτοφάγοι, & alia eiuscemodi, epitheta sunt, non nomina.

Bb ij

§. 2. *Quantitas.*

NIHIL certi hîc pronunciari potest propter ignorantiam eorum locorum, de quâ in veterum erroribus lib. 2. primæ part. To. 1.

§. 3. *Qualitas.*

Hic maximum frigus omnes veteres agnoscunt : Sylvas immensas Mela, vt & lætissima pascua fluuiis exuberantibus : quamquam alicubi tantam ligni agnoscat inopiam, vt dicat incolas vti ossibus pro ligno. Sed fertilissima Taurica Chersonesus, quæ aliàs pendit Mitridati Eupatori c x x c. medimnorum millia, & talenta argenti c c. vt hîc taceam de frumento in Græciam, & Athenas deportato. Piscatio quoque ad Meotidem paludem luculenta, vnde laudantur Taurica Salsamenta. Equos ferocissimos habet tota hæc regio, ideóque omnes castrantur vt mansuetiores sint : hæc & plura Strabo lib. 7.

§. 4. *Mores.*

MIXTA habebant connubia, hoc est communes vxores: *Tacitus*, eas autem colebant vt dominas: *Stobæus*. Sic obtegebant se pelli- bus vt tantum oculi, atque os paterent : *Mela*. Tertio die tantum cibum capiebant: *Isigonus Nicaensis apud Plinium*. Viuebant plerique in cauernis, *Mela*. Auri & argenti maximarum pestium ignari erant, *idem Mela*. Incolæ Chersonesi mansuetiores, & πολιτικώτεροι, sed lucro dediti, quare fures & piratæ: *Strabo lib. 7*. Interiùs habitantes feri, & crudeles. Bella & lites amant, quem primum interemerunt eius sanguinem ebibunt, & quo quis plures interemerit eò nobilior : neminem interemisse probrum maximum: *Mela*. Crudelitatis testes Thoas, & Diana Taurica: *Herodotus lib. 4*. tradit Iphigeniæ immolatos fuisse omnes naufragos, iis caput percuti clauâ, truncum in mare deturbari, caput affigi conto, & rectorum fastigio imponi. *Strabo lib. 7*. ideóque pontum olim ἄζευον dictum, quòd Scythæ hospites immolarent, deuorarent, & eorum caluitis pro poculis uterentur. Reliqua in singulis populis proferentur commodiùs.

§. 5. Religio.

MARS omnium Deus, eique pro simulachris enses, & tentoria dedicant. Homines pro victimis cædunt, *Mela*. Ignem etiam, Solem & Lunam coluerunt, *Clemens Alexandrinus*. Postmodum ad eos aduecti ex Græcia Iupiter, & alia turba deorum.

Fœdera apud eos non sunt incruenta: & verè fœdus percutiunt: eximunt sibi sanguinem permixtúmque degustant, idque putant mansuræ fidei signum certissimum, *Mela*. Addit Herodotus lib. 4. eo etiam sanguine illinere acinacem, securim, tela, multis se verbis deuouere, tum demum vinum suo mixtum sanguine potare.

§. 5. Politia.

Princeps hîc parenti nullus succedit, sed à populis eligitur, *Strabo*. Rex in Chersoneso semper dicitur tyrannus quantumvis *νομίμος* imperet. Rex Bosphoranorum vltimus fuit Parysates, qui cùm Barbaris resistere non posset, maius tributum exigentibus Mitridati Eupatori sese submitit, *Strabo lib. 7.*

Roxolani quoque Regem suum habuere, & iis imperauit Ateas ille, qui contra Philippum Amyntæ filium bella gessit. Roxolani autem omnes profitentur militiam suosque locant agros, & in eos qui stipendia, aut fructus denegent arma circumferunt. Hinc Afander quidam Isthmum Tauricum muro permuniuit, quem decem turribus firmavit.



VETVS DIVISIO SARMATIÆ.

	ÆSTIÆI	{	Scyri. Hirri.
P O-	VENEDÆ	{	Troglodytæ. Geloni. Neuri.
P V L I	BASTARNÆ	{	Sidones. Carpiani. Atmoni. Peucini. Borani.
S A R-	TYRANGITÆ		vbi & Axiacæ.
M A-	R O-	{	Effedones. Tanaitæ.
	M A-	{	Bafilides.
	X O-	{	Iazyges Mæotæ: Boristhenitæ.
	B I I.		
	L A N I		
T I Æ.	G E O R-	{	Tauri.
	G I	{	Bosphorani.
	R I P H A C E S	{	Agathyrsi. Arimaspi. Hyperborei.

